



**Quæstionum Canonicarum, In Quinque Libros
Decretalium, Tomus ...**

In Librum IV. Decretalium, per viginti, & unum Titulos distributum, De Sponsalibus, Et Matrimoniis, eorumque impedimentis, ac dispensationibus,

...

Schlüter, Georg

Augustæ Vindelicorum, 1702

§. 3. Qualis præsentia Parochi & Testium esse debeat?

[urn:nbn:de:hbz:466:1-73058](#)

stare; quia alias præberet præjudicium libertati matrimonii, cum inæqualibus personis, sive præter parentum, vel coniunctorum voluntatem contrahendi; quoniam, cùm id in consueta Parochia propria, stante necessitate trinae denuntiationis, absque publicitate sequi non valeat, de facili impediri possent, & cum dicta resolutione processum fuisse in plerisque aliis casibus, relatis per Fagnan. c. significavit, de Paroch. ita ille.

Ex hoc sequitur, licet ad aliorum quorundam Sacramentorum administrationem, in Viatoribus, peregrinis, vel iis, qui gratiâ recreationis, sive collectionis fructuum, aut pro aëris beneficio, sufficiat accidentale, seu occasionale domicilium, vel habitatio in loco aliquo, ad ejusmodi fines electo: ad validam tamen administrationem Sacramenti matrimonii non sufficere; cùm vi formæ Conciliaris habeat peculiarem qualitatem, quæ desiderat domicilium verè, ac propriè contractum, de quo Sanchez. lib. 3. hic D. 23. à num. 9.

§. 3.

Qualis præsentia Parochi & Testium esse debeat?

673. Cùm finis, propter quem Tridentinum Sess. 24. de Reform. matr. c. 1. ad valorem matrimonii contrahendi exigit præsentiam Parochi, ut formam, potissimum sit, ut Ecclesiæ per ipsius depositionem, ac testimonium constet de externo confusu Sponsorum per verba de præsenti, & caveatur voluntaria dissolutio matrimonii, quod etiam clam factum, olim valebat, sequitur, eam præsentiam sufficere, quâ hoc ipsum sufficienter intelligere possit ad legitimè de illo depонendum, si tales clandestini Conjuges ab invicem recederent, ut ad illud servandum cogi possent. Et illam præsentiam Authors vocant præsentiam moralem, id quod ex eadem ratione de assistentia Testium dicendum venit. Ex quo sequitur, nullum Parochi, vel Testium requiri consensus, sed sufficere, ut coram eis explicetur Sponsorum consensus per verba de præsenti, quamvis invitis, ac vi detentis, vel cum fraude sub alio etiam titulo voca-

tis, modò Parochus & testes sic adint, ut intelligent, & sciant, quid agatur; ita Sanchez. lib. 3. hic. D. 39. à n. 1. cum communi.

Hinc, quando dicitur, non sufficere præsentiam mere materialem, & de facto, verum dicitur, si adessentia, ut non scirent, ac intelligerent, quid agatur; ut si Sponsi contraherent coram Parochio & Testibus, rationis usum impeditum habentibus, vel dormientibus &c. si autem intelligent, quid agatur, habetur præsentia moralis, licet reclament, aut studiosè intelligere nolint &c. Sic, tanquam validè contractum matrimonium habebatur illud, quod Comitis Molæ filius cum Maria de Sciart, natalibus æquali sed fortunâ longè inferiori (ut patrem lateret) coram Sponsæ Parochio, Missam celebrante, dum conversus ad populum diceret: Dominus vobiscum, apprehensâ dictâ Mariâ per manum, contraxit dicens, eidem Parochio coram Testibus: *hanc accipio in meam Uxorem*, Mariâ respondente, ac repetitis vicibus dicens: *Signor si*, non obstante, quod Parochus indignatus, responderet, *estis excommunicati* &c. de quo fusè Joann. Bapt. de Luca lib. 14. tit. de matr. disc. 1. à n. 1.

Præter proprium Sponsorum Parochium, duos, vel tres testes requiri, constat ex saepc. cit. Trident. c. 1. Sess. 24. & sufficere moralem eorum præsentiam ex dictis n. 673. in his porrò nulla alia qualitas necessariò requiritur, quam ut habeant sufficientem usum rationis, ut de eo, quod inter contrahentes actum est, testari possint, testimonio sufficiente jure naturali; ita Castropol. D. 2. de sponsal. p. 13. §. 13. n. 3. Hinc opus non est, ut iſi sint omnino idonei, ac omni exceptione maiores; modò tales sint, qui valeant intelligere, quid contrahentes velint, & agant. Et ideo favore matrimonii receptum est, ut etiam Testimonium Parentum, vel Coniunctorum admitti debeat, qui de Sponsorum consensu præstito deponant per c. Videtur 35. q. 6. c. Videtur. Qui matrimonium accusare possunt; nisi sint potius pars interessata, & quasi principalis in causa; ut si depoñerent, affectantes matrimonium, vel ad reparandum honorem tum filia, tum proprium, ob copulam forte fecutam, inter

inter contrahentes, vel saltem ob ejus diffamacionem. Unde, cum dicitur, parentes recipi posse in testes pro filiis, procedit in his, que melius per eos sciri possunt. Sic Barbos in c. *Videtur qui matr. accusare poss. n. 3, cum aliis.*

676. Quæstio est, an unus ex Testibus, qui assistunt matrimonio, possit simul esse Mandatarius, seu Procurator, ex mandato Sponsi constitutus ad contrahendum nomine Sponsi? Casum adhuc pendere indecūm, ait de Luca cit. in annotationib. ad lib. 14. discurso 26. n. 3. Negativam tamen esse probabiliorem, tum quia Mandatarius sic debet esse Testis de suo facto, nomine Principalis; tum quia Tridentinum, exigens duos testes, qui deponere possint de facto contrahentium, videtur exigere duos testes à contrahentibus distinctos, non tantum principalibus, sed etiam, qui solo ministerio, & mandato tales sint.

§. 4.

De Sacerdote delegato.

677. Valide, licetque matrimonium contrahi etiam coram alio, quam proprio Sacerdote, ab hoc, vel Ordinario ad id delegato, seu licentiam habente, const. à. n. 562. ad quæ not. quod Sacerdos, de licentia proprii contrahentium Parochi assistitus matrimonio, validè assistat, etiam mortuo interim Parochio illo, si dum assistit, mors ignorabatur; secùs, si sciebatur; si Cardinal. de Lugo in *respons. moral. lib. 1. d. 35.* his præmissis:

678. Quæstio 1. est, quis possit dare licentiam alteri Sacerdoti, ad assistendum matrimonio? posse id Parochum, vel Ordinarium pro suis Parochianis, const. ex n. 635. Ubi not. hic nomine Episcopi vel Ordinarii venire etiam alios jurisdictione quasi Episcopali præditos, & proprium territorium habentes. 2. Vicarium generalē Episcopi, etiam absq; speciali commissione. 3. Capitulum sede vacante. 4. Legatum Papæ, in Provincia sua legationis. 5. Archiepiscopum etiam in diœcesi suorum Suffraganeorum, sed tantum, cum actu visitat, vel causa ad eum devoluta est, per appellationem. Nam alias in subditos eorum jurisdictione caret: quod diximus de Vicario gener. Episcopi.

Tom. IV.

scopi, procedere vult Barbos in Trident. Seff. 24. c. 1. n. 106. de illo, esto non esset Sacerdos; quia ille assistit jure Ordinario. Ex quo sequitur, eum, etiam non Sacerdotem, validè assistere eorum matrimonio, quorum potest Episcopus jure Ordinario etiam non Sacerdos; cum Vicarius Episcopalis jurisdictionem habeat candem, cum Episcopo, non distinctam; Pirhing. de Offic. Jud. delegat. n. 1.

Quæstio 2. cui possit dari hæc licentia? Resp. quod vi Tridentini cit. nulli, nisi Sacerdoti, ut const. ex n. 635. excipe summum Pontificem, cum illa Tridentini dispositio sit juris tantum Ecclesiastici. Porro licentiam illam debere esse expressam, resolvit Barbos. cit. à n. 108. quod sic accipe, ut non sufficiat licentia tacita, pendens à ratiabilitate de futuro; quia sic non esset verum, quod assistat Parochus, vel alius Sacerdos ab ipso licentiam habens, sed tantum habiturus: secùs est, si licentia tacita antecedat matrimonium, & sit de præsenti; ut si alius Sacerdos matrimonio assistenter videute, nec, cum facile posset, contradicente Parochio.

Resolvit 2. sufficere licentiam generalē, quâ conceditur facultas à Parochio exercendi Parochialia, vel omnia Sacra menta in sua absentia, licet data foret contra prohibitionem Episcopi, nec opus esse, illam dari in scriptis; sic Barbos. cit. à n. 108. & seq.

Resolvit 3. eam licentiam debere concedi ante actum assistendi (alias non assistenter habens licentiam) nec obesse, si ex parte dolo, & fraude, si dolus sit causa tantum impulsa; non autem, finalis, seu motiva concessionis.

Hujus postremi ratio est; quia fieri posset, quod Parochus non proprius (sive lucri promissi) allatis gravibus, ac veris causis omittendis denuntiationes, ab Ordinario, vel ejus Vicario petens licentiam assistendi eorum matrimonio non factis proclamationibus, illam obtineret, falso putante, Sponos aliunde de ipsius Parochia esse, quo casu assistentiam illam, consequenter matrimonium coram eo contrahendum invalidum esse, probabilius est; quia sic nec coram proprio, nec coram alio Sacerdote licentiam habente contraxerunt, quia mens concedentis non ferebatur in licentiam assistendi, quâ, credebat,

Y 2

cum